

3. gr.

Lyfjagerðum og -heildsölum er skipað í flokka vegna greiðslu eftirlitsgjalds, sem hér segir:

VI. flokkur:

Delta hf.
Lyfjaverslun ríkisins
Pharmaco hf.
Stefán Thorarensen hf.

VII. flokkur:

Ísteka hf.
Lyf hf.
Medico hf.

VIII. flokkur:

Ásgeir Sigurðsson hf.
Farmasía hf.
Gróco hf.
Austurbakki.

4. gr.

Dýralæknar, sem annast lyfjasölu, sbr. 58. gr. laga um lyfjadreifingu nr. 76/1982, læknar og sveitarfélög, sem annast lyfjasölu, sbr. 4. gr. reglugerðar um staðsetningu lyfjabúða og lyfjaútibúa nr. 27/1983, skulu greiða eftirlitsgjald samkv. IX. flokki.

5. gr.

Heimilt er að leggja eftirlitsgjald á sjúkrahús og aðrar stofnanir, sem hafa lyf undir höndum. Skulu deildarskipt sjúkrahús greiða eftirlitsgjald samkv. II. flokki, en önnur sjúkrahús og stofnanir samkv. IX. flokki.

6. gr.

Gjalddagi eftirlitsgjaldsins er 1. júlí 1991. Eindagi er 15 dögum eftir gjalddaga. Dráttarvextir reiknast frá gjalddaga, ef eigi hefur verið greitt á eindaga. Gjaldið er lögtakskrátt.

7. gr.

Reglugerð þessi, sem sett er samkv. 52. og 53. gr. lyfjalaga nr. 108, 14. nóvember 1984, öðlast gildi við birtingu.

Heilbrigðis- og tryggingamálaráðuneytið, 1. maí 1991.

Sighvatur Björgvinsson.

Gudjón Magnússon.

ERINDISBRÉF

handa sóttvarnardýralækni Sóttvarnarstöðvar holdanauta í Hrísey.

1. gr.

Með vísan til 9. gr. laga nr. 54/1990 um innflutning dýra, skal sóttvarnardýralæknir starfa við Sóttvarnarstöð holdanauta í Hrísey og skal hann haga störfum sínum samkvæmt ákvæðum sem hér greinir:

- Sóttvarnardýralæknir skal sjá um og vera ábyrgur fyrir því að öllum fyrirmælum um einangrun búfjár á stöðinni sé fylgt og að starfsemi þar fari í öllu fram í samræmi við ákvæði laga um innflutning búfjár og þær reglur, sem settar eru í samræmi við þau.
- Sóttvarnardýralæknir hefur á hendi faglega stjórn og yfirumsjón með rekstri stöðvarinnar í samráði við stjórn stöðvarinnar, undir yfirumsjón yfirdýralæknis f.h. landbúnaðarráðuneytisins. Hann skal gera fjárhagsáætlanir um rekstur stöðvarinnar og fá þær samþykktar af yfirdýralækni. Jafnframt skal sóttvarnardýralæknir gera yfirdýralækni grein fyrir öllum

- verulegum frávikum frá samþykktri áætlun. Undir hans stjórn skal starfa bústjóri sem hefur á hendi stjórn á öllum daglegum rekstri og skal bústjóri jafnframt sjá um daglegar fjárreiður stöðvarinnar.
- c. Sóttvarnardýralæknir skal fylgjast náið og reglulega með heilbrigði allra gripa á stöðinni og færa um það skýrslu reglulega, og framkvæma þær prófanir, sem nauðsynlegar eru taldar að dómi yfirdýralæknis. Sóttvarnardýralæknir sér um lækningar og aðgerðir á dýrum í sóttvarnarstöðinni vegna sjúkdóma og slysa sem upp kunna að koma eftir því sem við verður komið. Heimilt er að fá annan dýralækni til að gegna þessum störfum í afleysingum, enda sé fyllstu aðgæslu gætt hvað sóttvarnir varðar.
 - d. Sóttvarnardýralæknir annast fósturvísaf lutninga, sæðingu gripa og sæðistöku á stöðinni, rannsóknir, frágang, djúpfyrstingu og merkingu á sæði og ber ábyrgð á geymslu djúpfrysst sæðis í stöðinni og flutningi þess til lands í samræmi við gildandi öryggisákvæði. Hann skal sjá um að ávallt sé tiltækur nauðsynlegur útbúnaður, tæki og efni til sæðistöku, djúpfyrstingar og geymslu sæðis.
 - e. Sóttvarnardýralæknir sér um merkingu allra gripa, sem fæðast á stöðinni og nákvæma skráningu þeirra. Hann sér um vigtanir og allar mælingar á gripum og föllum þeirra og skráir eftir nánari reglum og fyrirmælum nautgriparæktarráðunautar Búnaðarfélags Íslands, sem hefur yfirumsjón með hreinræktun á stöðinni. Hann skal enn fremur sjá um að haldin sé nákvæm skrá um gangmál allra gripa, sæðingar og burð.
 - f. Sóttvarnardýralæknir hefur umsjón með slátrun allra gripa á stöðinni. Hann annast krufningu gripanna, heilbrigðisskoðun á öllum líffærum og aðrar þær rannsóknir á heilbrigði gripa, sem lógað er eða farast og skal hann sjá til þess, að með allt sem til fellur á stöðinni, svo og allan úrgang frá stöðinni, sé farið í samræmi við öryggisreglur þær, sem settar eru.

Niðurstöður allra rannsókna skulu færðar jafnóðum til bókar og skal yfirdýralækni gerð reglulega ítarleg grein fyrir þeim og heilsufari gripa í stöðinni yfirleitt.

2. gr.

Sóttvarnardýralækni er óheimilt að stunda almennar dýralækningar. Ef vafi þykir leika á því hvaða störf honum er heimilt að stunda, skal haft samráð við yfirdýralækni, sem sker úr um slík atriði.

3. gr.

Auk starfsins fyrir Sóttvarnarstöðina, skal sóttvarnardýralæknir, eftir því sem tími leyfir, vinna að rannsóknum á sérfræðisviði sínu, í sambandi við fósturvísaf lutning, sæðingar, fyrstingu sæðis, ófrjósemi búfjár og öðrum skyldum verkefnum. Að rannsóknum þessum skal hann vinna undir umsjón yfirdýralæknis.

Yfirdýralækni er heimilt að fela honum ákveðin eftirlitsstörf með sauðfjársæðingum og nautastöðvum Búnaðarfélags Íslands og önnur störf við sjúkdómavarnir dýra eftir því sem aðstæður leyfa.

4. gr.

Sóttvarnardýralækni ber að skipuleggja ferðalög og starfsemi í Sóttvarnarstöðinni þannig, að rekstur hennar verði á allan hátt sem hagkvæmastur. Honum ber að haga ferðalögum sínum þannig, á meðan hann ekki hefur búsetu í Hrísey, að af störfum, sem ekki eru unnin beint fyrir stöðina, verði sem minnstur kostnaður. Allir reikningar er varða starfskjör hans, t.d. ferðareikningar og yfirvinnureikningar skulu áritaðir og samþykktir af yfirdýralækni.

5. gr.

Öll störf sín ber sóttvarnardýralækni að rækja af kostgæfni, dugnaði og trúmennsku.

6. gr.

Laun sóttvarnardýralæknis skulu vera samkvæmt hinu almenna launakerfi starfsmanna ríkisins.

Landbúnaðarráðuneytið, 29. apríl 1991.

Svavar Gestsson.

Sveinbjörn Dagfinnsson.

REGLUGERÐ

um aðbúnað og heilbrigðiseftirlit á svínabúum.

1. gr.

Gildissvið.

Reglugerð þessi gildir um alisvín (*Sus scrofa*).

Aðbúnaði svína og meðferð skal haga þannig að þörfum þeirra og edli sé fullnægt að svo miklu leyti sem kostur er, og þess gætt að þau þjáist ekki að nauðsynjalausu.

Áður en ráðist er í að byggja svínahús eða gera verulegar breytingar á svínahúsum, sem fyrir eru, skal dýralæknir svínasjúkdóma fá byggingateikningar til umsagnar og framkvæmdir mega ekki hefjast fyrr en samþykki hans liggur fyrir. Úrskurði þessum má skjóta til landbúnaðarráðherra til endanlegrar ákvörðunar að fengnu álitu yfirdýralæknis.

Sækja þarf um starfsleyfi skv. 8. gr. áður en svín eru sett inn í nýtt eða verulega breytt húsnæði.

2. gr.

Yfirstjórn o.fl.

Landbúnaðarráðherra fer með yfirstjórn þeirra mála sem reglugerð þessi tekur til. Yfirdýralæknir skal vera ráðherra til aðstoðar og ráðuneytis og hafa undir sinni stjórn dýralækni svínasjúkdóma, sem starfar samkvæmt erindisbréfi og skal í samvinnu við héraðsdýralækna, sinna vörnum, sjúkdómsgreiningu og reglubundnu eftirliti varðandi svínasjúkdóma. Þar til ráðinn hefur verið sérstakur dýralæknir svínasjúkdóma skal yfirdýralæknir annast skyldur hans skv. reglugerð þessari.

Dýralæknir svínasjúkdóma skal, með almennri fræðslu og leiðbeiningastarfi, leitast við að auka skilning manna á svínasjúkdómum, vörnum gegn þeim og því tjóni, sem þeir geta valdið.

Dýralæknir svínasjúkdóma skal halda skrá yfir öll svínabú sem stunda framleiðslu á almennan markað. Þar skal tilgreind stærð, aðstaða, útbúnaður, umhirða og framleiðslugeta.

Dýralæknir svínasjúkdóma, héraðsdýralæknar eða fulltrúar þeirra, skulu hafa frjálsan aðgang að svínabúum og er rekstaraðilum skylt að veita þessum aðilum allar nauðsynlegar upplýsingar um búreksturinn. Allar slíkar upplýsingar skal farið með sem trúnaðarmál svo að ryri ekki hagsmuni einstakra framleiðenda.

Yfirdýralæknir lætur í té eftirtalin gögn sem skylt er að nota við framkvæmd þessarar reglugerðar: